



Inatsisartunut ilaasortaq  
Doris Jakobsen  
Siumut

### **§ 36, imm. 1 naapertorlugu ilinniartitaanerni soraarummeertarnermut apeqqummut akissut**

Inatsisartunut ilaasortaq Doris Jakobsen, Siumut Inatsisartut suleriaasianni § 36, Imm. 1 naapertorlugu Naalakkersuisunut ilinniarfinni soraarummeertarneq pillugu apeqquaqarpoq.

**Naalakkersuisunut apeqquq:** Atuarfitsialammi ilinniarfinnilu soraarummeerneri ilinniartitsisup censorilluunniit qallunaajunera allatulluunniit oqaaseqarnera apeqquataatinnagu, atuartut ilinniartulluunniit namminneq oqaatsitik atorlugit misilitsinnissaannut pisinnaatitaaffiat qulakkeerniarlugu Naalakkersuisut peqquneqarnissaannik Inatsisartut upernaakkut ataatsimiinneranni 2007- mi saqqummiussara amerlanerussuteqartunik akuersissutigineqartoq, inatsisitigut malitseqartinneqarsimanerluni?

**Akissut:** Aallaqqaasiullugu malugeqquneqassaaq, ilinniartitaanermut ataatsimiititaliaq isumaqatigiiffiusumik atuartut namminneq oqaatsitik atorlugit soraarummersinnaanissaannik siunnersuutinnut allannguutissatut siunnersuuteqarmat. Inatsisartut isumaqatigiillutik akueraat oqaasertaliisoqassasoq, "Naalakkersuisut peqquneqarput qulamaqqullugu, atuartut ilinniartullu Atuarfitsialammi ilinniarfinnilu kalaallisut danskisullu soraarummersinnaanissaat, ilinniartitsisup soraarummeersitsisulluunniit oqaasii apeqquataatinnagit, tamannalu inatsisilioqqullugu".

Meeqqat atuarfianni atuartitsinermi tunngaviusut ilagaat, atuartut atuartinneqassasut taamaalillutillu aamma nalilerneqarlutik piginnaariikkatik pisiaqartitatillu aallaavigalugit. Allattariarsorluni misilitsinnerit aalajangersimasumillu qulequtsiilluni suliaasaq atuartup nammineq kissaataa aallaavigalugu qallunaatut kalaallisulluunniit suliarineqarsinnaapput – oqaatsinik atuartitsissutit eqqaassanngikkaanni. Saniatigut aammattaaq aalajangersimasumik qulequtsiilluni suliaq tuluttut imaluunniit allamiut oqaasiisa pingajuat atorlugit suliarineqarlunilu saqqummiunneqarsinnaavoq. Pinngortitalerinermi, inuiaqatigiilerinermi matematikkimilu misilitsissutissat kalaallisut qallunaatullu suliaasarput, taamaalillunilu atuartup nammineq aalajangissavaa oqaatsit arlaat atorlugit allattarisarsorluni misilitsinniarnarluni.

25. august 2009  
Sags nr.

Dok.nr. 220481

Postboks 1029  
3900 Nuuk  
Tlf: +299 345000  
Fax: +299 322073  
Email: kiiip@gh.gl

Oqaluttariarsorluni assassoriaanerusunillu misilitsinnermi atuatumik qitiutitsineq aammattaaq meeqqat atuarianni misilitsinnermik aqutsisuuvoq. Ilinniartitsisup atuartullu ataatsimoorlutik aalajangissavaat atuartut oqaatsit suut siunertamut naapertuunnerpaamik misilitsinnermini atussanera. Ilinniartitsisoq misilitsitsisorlu allatut oqaaseqarpata, atuariup akisussaaffigaa atuatumut naapertuunnerpaamik misilitsitsinissaq.

Taamaammat Naalackersuisut siuliisa toqqarpaat meeqqat atuarianni inatsisit atuuttut allanngortinniarnagit, tassami oqaatsit atuartitsitsinnermi taamaalillunilu naliliinnermi atugassat pillugit aalajangersakkat oqaatsit nammeneq toqqakkat aallaavigalugit misilitsinnissaq periarfissaqartereermassuk. (Takuuk Atuarfik pillugu Inatsisartut peqqussutaat nr. 8, 21. maj 2002-meersoq § 8 stk. 1 og 2)

Ilinniarnertuunngorniartarnermut tunngasut Kalaallit Nunaannit tiguneqarput 2009-mi januaarimi, ilisimaneqartutullu tamatumunnga tunngasut tamarmik nutarteriffigineqalerput, suliakkiissutaasumilu pineqartut ilagerpiarpaat misilitsinnermut naliliinernullu tunngasut. Suleqatigiit misilitsittarnerit naliliisarnerillu pillugit inassuteqaataat Naalackersuisut utaqqiumavaat, aamma kalaallisut qallunaatullu misilitsinnannaanissamut periarfissaqarnissamik aalajangiussaq ilinniarnertuunngorniartarneq pillugu inatsisiliormerit ilanngutissallugu, tamanna 2011-mi naammassisussatut ilimagineqarpoq.

Ilisimatusarfimmi, Ilinniarfissuaq, Inerisaavik, isumaginninnermi siunnersortinngorniartarneq, tusagassiormerit ilinniarfik il.il. ilanngullugit, soraarummeernerit kalaallisut, qallunaatut tuluttulluunniit ingerlanneqarsinnaareerput. (Takuuk Ilisimatusarfimmi ilinniagaqarnerit soraarummeertarnerillu pillugit Namminersornerullutik Oqartussat nalunaarutaat nr. 27, 1. septembari 1995-imeersoq § 25 stk. 1-3) Maanna perorsaasunngorniartarnerup nutserisunngorniartarnerullu Ilisimatusarfimmut ilanngullutik atorfinissutaasinnaasumik bacheloritut ilinniakkanut ilanngunnissaat sulissutaavoq, taamaalillutillu aaqquissuussinnermut tassungarpiaq ilanngutissallutik.

Inuutissarsiutinik ilinniartitaanermi 2007-imili qitiusumik ilinniarfiit aqunneqarnerat allanngorniartarlugu sulisoqarpoq. Tamanna pillugu inatsisissatut siunnersuut 2010-mi upernaakkut ataatsimiinnermi akuerineqassappat, ilinniarfiit suliffeqarfiulissapput imminnut aqutarisut, siulersuisunut aqunneqartut. Tamama nassatarissavaa nalunaarutit arlaqartut allanngortariqarnerat nutaallu suliarisariaqarnerat. Naalackersuisut upernaaru ataatsimiinnermi aalajangiinissaq utaqqimaarumavaat, tamatumalu kingorna kalaallisut qallunaatulluunniit soraarummeersinnaanissamik aalajangiussaq inatsisaareersunut nutaaliornikkulluunniit ilanngutissallugu. Tamanna 2010-mi ukiakkut pissasoq ilimagineqarpoq.

Inussiarnersumik inuulluaqqusilluta

Mimi Karlsen

